

神權怒目下察黃泉仰觀三界浩氣如煙

第十四代張慈正

朝降崇巔酷入市廛過飲弗醉暮歸茶煙
山雲松掃洞鎖千年和光同塵玄之又玄

第十五代張高

漆園善紀槐國昭然同此日化千古尚傳
師能善已乃達於仙虛靈不昧道氣常全

第十六代張應韶

繼傳十六人皆辟穀日食黃精貌態異俗
歲月以來亦復如復牛背西風蒼山一曲

第十七代張順

至危而全難去而天乃知爾仙乃知爾賢
流派十七道氣陵煙孰謂其顛孰謂有緣

第十八代張士元

飛符有驗始祖有傳至於斯世名播八埏

丹光上升斗氣愈鮮精神徘徊常在三天

第十九代張修

嵐光蔽山丹氣雜然飛符檄鬼無敢不前
孰謂爾靈孰謂爾玄掛冠解衣樂道便便

第二十代張謐

書一

八

冠山衣雲道氣常浮芬子有機鑄內猶渾
盤中數著黑白星奔無上至妙丹田厚坤

皇明恩命世錄卷之一

正一天師清微弟子 洪百堅 製作
道教學術資訊網站

皇明恩命世錄之二

四十二代天師大真人張正常

招聘榜文

吳王令旨江西等處行中書省蓋聞玄教無
為黠贅國家之治

書一

九

皇猷大啟丕崇道德之風乃眷至人素居福
地既已歸於版籍必特表其儀形信州龍
虎山正一教主天師大真人衍華胄於留
侯紹真傳於老子身受祖師之託後彼百
靈心與造物者遊超乎萬類凡有知覺罔

不皈依但因兵革以來遂使公庭多故近
聞冠珮遠寄江湖羨伸物色之勤庶冀旋
居之速省府除已差官齋香前詣龍虎山

宗壇敬奉

真仙祝延

聖壽外合行出榜晚諭仰總兵官及有司官
員訪求天師多有招聘禮請入山依前住
持道教但係龍虎山官觀殿宇及供器什
物諸人毋得作踐損壞棄擲神明舊管山
園田地房屋悉聽為主諸色軍民人等不

許奪占違者治罪漢至榜者

龍鳳六年 月 日給

本年四月

回勉澄心定性以凝道功書

吳王書致

玄壇教主四十二代天師張真人五月六日俞真人來捧至箋文并有奇香素羅之獻誠意甚厚足見名山文物之盛吾聞漢祖天師道德在躬動得鬼神之助一虛一吸聞天道為之晦冥雷建諸神莫不受命以此輔

國濟民除其妖孽換其水旱故靈名歷四十餘代而愈著也今吾師既臨乃祖之位序當繼乃祖之成烈有非他術之可同者願師澄心定性以凝道功使前靈之跡蓋顯則龍虎之山益崇而人益仰望也夏月道體平安否尚冀千萬加愛

乙巳年

上召見

命坐賜宴

賜張天師書

吳王今言夫天地之間品類不等生而無窮惟人最靈然而神聖之生賢人所降非常也皆得天地至靈之氣故然亦世間聖賢之常也有天假其能因天授人之歟或為

帝王或為將相如釋道焉或為佛或為仙雖或天地正氣所生是由天假其能故成教等子闡漢祖天師生而異常崢嶸嶺嶺兩目星馳電轉神威萬倍始西蜀諸龍虎役使鬼神營造玄壇非獨自己為能止了身

心實與國民有補焉至是擇 大患禦大灾明乎三界鬼神相繼留傳歷代八代無有不崇者何也蓋由天師靈而有益者是也予自草萊因天下變為眾所尊不敢不竭心之誠以安民庶每聞天師今為我見

快哉一親觀面天師體樞雷轉法鏡昂然雖不聽事於朝廷同我一時豈不干哉一過也可不奇哉然而釋道之玄深有意為愚者未知者勿迷故常則吉非常則禍禍增或美悅天師法魏其容同祖故有賜

上再召入對仍賜宴及金幣還山

丙午年

命香花符水旨

吳王今言子闡漢天師妙用玄機通天透地

濟物利人為國家捍患禦灾歷代聖賢所構無不感應今天師息於朝天宮士民濟濟求符師當斟酌放符驗其有無患難與可與之人而無患難之家與訖一符他日患難暴生愚民無所知將謂符法所驗或

有相輕互相辨說為師之意莫若從有患者給無患者卻此說未知當否宜與諸法師會議普施符水深濟妙用以秀山靈可也

上聞病疫者飲井中符水獲差

聖憲奉命作事并上覽曰太乙泉命進太上延禧錄

准辭還山

特詔留書給驛券身之以便朝覲 吳元年丁未二月初八日

命選精道法師赴闕書

具奏書啟

玄壇教主龍虎山張天師

予近自正月為國家之事心野不者欲素
開

十一 十二

上帝奈無人捧詞至干

天庭故差人詣天師門下望天師以彼祖宗
之靈必當誠心差精通道妙之師捧詞達
天以申祈禱之情即師之虔意也書至幸望
令能者之師前來再不多叙

本年五月

洪武元年

上登天寶位

錫宴于便殿

上顧諭曰茲授卿以大真人稱號命將議

給食祿既而

面可辭俸之奏俾專出符錄如故事

思免通戶及大上清宮各名徭役永為定例

命給銀印視正二品設積教堂書佐理等官

授四十二代天師大真人誥

奉

天承運

皇帝制曰朕惟玄教真風關五千餘言之典
祖庭積慶衍四十二代之傳地靈無龍虎
之英仙骨煉鶴鸞之表掌茲正一品佑我

十一 十二

大明天師張正常簡素性成端凝天賦琳書

寶札探秘妙於珠黍之中綠輿瓊輪超冥
漠於璇霄之上仗劍則鬼神聽令登壇則
雷雨應時卓爾天人之師允矣神明之胃
然道德不拘於名爵性情貫守於中和夫

何近代以來特授官賞之顯揆以至理未

足為榮用制真人之美稱俾冠道流於當

世聲揚寰宇法主宗壇予欲通誠於九天

汝則以精神而運用予欲敷治於四海汝

則以清靜而輔毗茂膺寵元永綏福履可

授正一教主嗣演四十二代天師護國關

祖通城崇道弘德大真人領道教事宜令

張正常准此

制誥

洪武元年三月初一日

之寶

准辭還山

上御體身殿從容謂曰卿乃祖天師有功於
國所以家世與孔子並傳以迄于今卿宜
體之以清靜無為輔予至治則予汝嘉論

舉出白金十五鎰

賜之俾其府弟

二年二月

特召入朝

上御奉天殿

賜見頒命設安待之是月

有顧問者四二月十三日

上將通誠於

天帝致齋三日御袞冕親著

御名于重勅太常設樂

手授俾祝而焚之禮成

賜金幣宴于文樓群弟子餐於別館賞養有

差

三年六月

上錄功馳龍

特勅吏部改贈正常父三十九代天師太玄
輔化體仁應道大真人嗣成為正一教主
大玄弘化明誠崇道大真人改封正常母
明慧慈順仙姑胡氏為恭順慈惠淑靜玄
君

上一日召見問以鬼神情狀
命吏給掌天下道教銀印

五年

加授永掌道教事誥

奉

天承運

皇帝制曰朕惟道家者流本於清靜無為其
來尚矣龍虎山張氏自漢以下宗派相繼
其四十二代孫正常存心冲澹保德純和
遠紹宗傳以守正一朕用嘉之是宜錫以
真人之號爾其益振玄風永掌其教焉可
授正一嗣教護國祖通誠崇道弘德大
真人掌天下道教事宜令張正常准此

制誥

洪武五年十二月 日

之寶

九年

上遣使召忽先期入

見

上喜曰卿來何與朕意相符明年秋朕將遣

使祠海嶽諸神卿當妙乘清修之士與其

借來

賜宴及金紋法衣玉圭珮法器之屬

十年

命率弟子至京

上召見

錫宴午門之城樓

上舉爵謂曰卿宜登此一觴

勅內侍官出

御製歷代天師贊示曰他日當書以賜卿明

日

詔借太師韓國公李善長代祠高山分遣大

臣

與弟子代祠群望仍

賜衣二襲及楮幣有差既還復

命錫宴實如勅

遣祠高山勅

勅正一嗣教大真人張正常

朕聞天生民而立君君為民而立命所以

謹百神之祀乃國之先務也朕與卿等當

群雉角逐之時戰勝攻取非

上天

后土之眷命嶽鎮海瀆之效靈安能如是今

者新秋在週嶽鎮海瀆之祀禮當報謝古

者君狩方隅詣祠而祭朕為新造邦基民

生方始未獲親往特命卿等代朕以行奉

犧牲祝帛於神所故茲勅諭汝往欽哉

勅命

洪武十年六月 日

之寶

十一年

上聞禮部尚書張壽代奏計符

天衷嗟悼良久且曰朕欲命其徧祠五嶽今

方一至高山何期大數止於此遂親製祭

文一通

詔遣前浙江行省參知政事安慶詣山

諭祭

維

洪武十一年歲在戊午正月甲戌朔越二

十日癸巳

書一

皇帝遣浙江參政安慶致祭于大真人張正

常之靈曰繼出世法統仙度人禦災捍患

機幹萬靈飛符仗劍轉斗移星雷神聽令

妖魁潛形道光斯著親正精英何乘鸞之

去急控法印於上清今遣人祀以牲醴爾

其有知尚饗

皇明恩命世錄卷之二

五

皇明恩命世錄卷之三

四十三代大真人張宇初

洪武十三年

授大真人誥

奉

天承運

皇帝制曰朕聞上古之君天下老民從者四

曰士農工商而始漢至今舉民以六加釋

道焉所以遺明者由爾宇初之祖通神善

幻化能悅惚升入太虛胃廓落之罡風吞

書一

十八

宇宙之浩氣以是利濟群生功著歷代所

以法傳之久香燈之永蓋為行深願重德

敷上下精神愈靈前其人既往爾當世嗣

特遣使詣府命爾為正一嗣教道合無為

闡祖光範大真人領道教事爾其慎欽

哉

制誥

洪武十三年二月二十八日

之寶

特召入朝勅

皇帝勅諭前真人張正常嗣子宇初昔之能

名於海內始漢至今所以不泯者蓋為禦

災捍患之妙功達於君利及於民故有不

泯者為此也邇聞服制且終當正教中之

首率徒以修符至一未朕當諭爾爾其不

貳其心則上下格矣故茲勅諭

勅命

洪武十三年二月二十八日

之寶

賜勉修節以格神明勅

書一

十九

論正一嗣教大真人張宇初書秘訣真在繼

傳不息也其運玄元之真而驅萬靈如影

響則用已之際神以契符訣之妙則繼傳

不息之道豈不倏哉而感應也歟否若是

雖善秘書精指訣雖萬千之熟亦何應哉

且爾祖至今繼世名世者以其禦災捍患

也爾正幼年當節修節潔精魂思與神通

有時則當用之際神必爾赴故茲勅諭

十四年

封包氏玄君誥